

=====

Poetry of renowned Kashmiri Poets

Waza Mehmood

Transformed into Standardised Devanagari-Kashmiri by

M.K.Raina

31.12.2004

=====



वाज़ु महमूद

१. वलु गूर करॉयो

हा जानि अँजीज़ो, वलु गूर करॉयो
 मति लाल जरॉयो, वलु गूर करॉयो
 पनुन्यव तु परायव, दोस्तव तु रँफीकव
 बननस ति ग्यूलहमो, वलु गूर करॉयो
 मजनून खोत नजदस, लॉल च़ायि मज़ारस
 लॉलि हुंदि मजनूनो, वलु गूर करॉयो
 थरि हुंदि ग्वलाबो, कथ वारि फोलहमो
 मुश्कि चानि बलॉयो, वलु गूर करॉयो
 हा म्यानि अज़ॉलो, वनुयो बु गज़ॉलो
 जामु गव मे कज़ॉलो, वलु गूर करॉयो
 र्वपु र्वनि अंज़ोलुय, श्वनि दार मंज़ोलुय
 चंद्रनुक बु गरॉयो, वलु गूर करॉयो
 कस वनु यि क्याह गोम, हियु यावनस डोट प्योम
 ती ना बु ज़रॉयो, वलु गूर करॉयो
 आम अँशकुन दूलाब, सँर्य पेठ्य गोम सँहलाब
 कमि तारु तरॉयो, वलु गूर करॉयो
 सोदा मे कर्यामो, मूलस ति छ्वन्यामो
 तूलस बु क्या दिमुयो, वलु गूर करॉयो
 शाहबाज़ अयाज़ो, वन महमुद्य वाज़ो
 शाहनाम परॉयो, वलु गूर करॉयो

★ ★ ★ ★ ★

२. गज़ल

खबर क्याह मे ऑसुम सु दिलदार रावे
 कॅरिथ खश मे थावे सु बे आर त्रावे
 स्पठाह काल वोतुम करान इन्तिज़ॉरी
 सु अज़ पगाह वाति तय हाल बावे
 बदल तथ मे द्युतनम, दगा त्युथ मे कोरनम
 यि ल्वकचार म्योनुय कॅरिथ गव सु ज़ाये
 मे छिम दादि तँहुंदे व्वथान क्रॉर्य ज़ख्मन
 बलन दॉद्य सॉरी सु लरि पान सावे
 बु देवानु कोरमुत तँहुंद्य हुस्ने नाज़न
 ओडुय रोय हॉविथ थवन क्याज़ि छाये
 य्वहय छुम दिलस मंज़ तमन्ना मे चोनुय
 यिमन दीदनुय मंज़ करस ना बु जाये
 छु महमूद गोलमुत दर फिकरि दिलबर
 ललवान दिलस मंज़ ज़न तिलु क्राये

★ ★ ★ ★ ★

=====

Poetry of renowned Kashmiri Poets

Waza Mehmood

Transformed into Standardised Devanagari-Kashmiri by

M.K.Raina

31.12.2004

=====